



ЧАСЫ СВЯТОЙ ПАСХИ¹

Аще иерей: **Благословѣн Бог наш:**

Мирский же глаголет: **Моли́твами
святы́х отец на́ших, Го́споди Иису́се
Христѣ, Бо́же наш, поми́луй нас.
Ами́нь.**

Тропарь

**Христос воскресе из мертвых,
смертию смерть поправ и сущим во
гробех живот даровав. (Трижды)**


**Воскресение Христо́во видевше,
поклонимся Свято́му Го́споду Ии-
сусу, Еди́ному Безгрѣшному. Кресту́
Твоему поклоня́емся, Христѣ, и свя-**

¹ Это последование бывает во всю Светлую седмицу вместо повечерия и полунощницы, а также вместо утренних и вечерних молитв.

**то́е воскресе́ние Твое поём и сла́вим:
Ты бо еси́ Бог наш, ра́зве Тебе ино́го
не зна́ем, и́мя Твое имену́ем. При-
иди́те, вси ве́рнии, поклони́мся свя-
то́му Христо́ву воскресе́нию: се бо
прииде Кресто́м ра́дость все́му ми́ру.
Всегда́ благословя́ще Го́спода, поём
воскресе́ние Его: распя́тие бо пре-
терпе́в, сме́ртию смерть разруши́.
(Трижды)**

Инакои

**Предварившия утро́ яже о Мари́и,
и обрётшия ка́мень отвален от гро-
ба, слы́шаху от Ангела: во све́те
присносу́щнем Су́щаго, с ме́ртвыми
что и́щите я́ко челове́ка? Видите
гробны́я пелены́, тецы́те и ми́ру
пропове́дите, я́ко воста́ Госпо́дь,
умертви́вый смерть, я́ко есть Сын
Бо́га, спаса́ющаго род челове́ческий.
(Единожды)**



Кондак, глас 8-й

Аще и во гроб снизшел еси, Безсмертне, но адову разрушил еси силу, и воскресл еси, яко Победитель, Христэ Бóже, женам миронóсицам вещавый: радуйтеся! И Твоим апостолом мир даруйай, падшим подайай воскресение. *(Единожды)*

И сей тропарь

Во грóбе плóтски, во áде же с душею, яко Бог, в рай же с разбóйником, и на престóле был еси, Христэ, со Отцём и Дúхом, вся исполняй, Неопíсанный. *(Единожды)*

Слава Отцú и Сыну и Святому Дúху.

Яко живонóсец, яко рая краснейший, воистину и чертога всякаго царскаго показáся светлэйший, Христэ, гроб Твой, истóчник нашего воскресения.

**И ныне и присно и во веки веков.
Аминь.**

Вышняго освященное Божественное селение, радуйся: Тобою бо дадеся радость, Богородице, зовущим: благословенна Ты в женах еси, Всенепорочная Владычице.

Господи, помилуй. (40 раз)

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас. Аминь.



И глаголет тропарь: Христос воскрес из мертвых, смертию смерть поправ и сущим во гробех живот даровав. (Трижды)

Слава Отцу и Сыну и Святому Духу, и ныне и присно и во веки веков. Аминь.

Господи, помилуй. (Трижды)

Благословий. *И отпуст от иерея.*

Мирский же глаголет: Господи Иисусе Христе, Сыне Божий, молитва ради Пречистой Твоей Матери, преподобных и богородицных отец наших и всех святых, помилуй нас. Аминь.

